



Broj: UP1:01-50-2-4865-1/23  
Sarajevo, 17.10.2023. godine

Na osnovu člana 22. stav (1), a u vezi sa članom 26. stav (5) Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11, 100/13 i 61/23) i člana 210. Zakona o upravnom postupku („Službeni glasnik BiH“, br. 29/02, 12/04, 88/07, 93/07 i 41/13), rješavajući po zahtjevu Centra za društvena istraživanja Internacionalnog Burč univerziteta za slobodu pristupa informacijama od 16. 10. 2023. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

### **ZAKLJUČAK** **o odbacivanju**

Zahtjevu Centra za društvena istraživanja Internacionalnog Burč univerziteta od 16. 10. 2023. godine se ne može udovoljiti jer Ministarstvo ne posjeduje traženu informaciju.

### **O b r a z l o ž e n j e**

Centar za društvena istraživanja Internacionalnog Burč univerziteta obratio se 16. 10. 2023. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13, u daljnjem tekstu: Zakon).

U zahtjevu je navedeno da se traži pristup informacijama, odnosno *dostava popisa službenih posjeta ministara i zamjenika ministara u periodu od osnivanja institucije do 2023. godine koji uključuje: - ime i prezime osobe; - period posjete; - odredište posjete; - svrhu posjete.*

U skladu sa članom 22. Zakona, utvrđeno je da je zahtjev uredan.

U konkretnom postupku informira se podnositelj zahtjeva da Ministarstvo ne posjeduje tražene informacije u zahtjevanom obliku te, u skladu sa Zakonom, nije dužno izradivati informacije koje već ne postoje u Index registru, odnosno u formi u kojoj se ne vode u evidencijama Ministarstva.

U skladu sa navedenim, odlučeno je kao u dispozitivu ovoga rješenja.

**Uputstvo o pravnom lijeku:** Protiv ovog zaključka dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositelj zahtjeva nije zadovoljan postupanjem ovog organa, ima pravo obraćanja Instituciji ombudsmena za ljudska prava Bosne i Hercegovine, Akademika Jovana Surutke br.13, 78000 Banja Luka.



**PO OVLAŠTENJU MINISTRA**  
**Sanja Škuletić-Malagić**

**Dostavljeno:**

- International Burch University, Francuske revolucije bb, 71000 Sarajevo;
- spis predmeta;
- a/a.